



Inatsisartunut ilaasortaq Sofia Geisler, Inuit Ataqtigiit
/ maani

**Attartortitsisarnermut inatsit pillugu § 37 naapertorlugu apeqquteqaammut
2019-123-mut akissut**

03-08-2020
Suliaq nr.: 2020 - 12357
Id nr. 54873959

Asasara Sofia Geisler

Inatsisartut suleriaasianni § 37 naapertorlugu attartortitsisarneq pillugu Naalakkersuisu-
nut apeqquteqaateqarputit. Apeqqutit uannit akineqartussatut innersuunneqarpoq.
Apeq-qutit matuma kinguliani allanneqarpoq, akissummillu malitseqarluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqqut 1: Immikkoortut 45 aamma 122, 2019-imi Ukiakkut Inatsisartut akuersis-
sutigisaat, pillugit sulinerup killiffiata nassuiaateqarfigineqarnissaanik Naalakker-
suisut qinnuigineqarput. Naalakkersuisut peqquneqarput attartornermut inatsim-
mik nutaamik siunnersuusiornerminni ilanngutissagaat:**

**a) pisortat inissiaatileqatigiiffiisa attartunngortussanut inissiamik
neqeroornerminni inissiaq neqeroorutertik ukiut tallimat kingulliit
iluanni oqummik ajornartorsiuteqartoq paasineqarsimagaangat
nalunaartalernissaannik pisussaaffiliinissaat, aammalu**

**b) attartortut suliffimmut atatillugu inissaminnik tunineqarnerminni
inissiami ukiut tallimat kingulliit iluanni oqummik ajornartorsiuteqar-
toq paasineqarsimagaangat attartortut inissiamik allamik tunineqar-
nissaminnik annaasaqaratik naaggaarsinnaalernissaannik.**

Akissut: Naalakkersuisut inissianik attartortitsisarneq pillugu Inatsisartut peqqussutaan-
nut allannguutissatut Inatsisartut inatsisissaattut missingiut suliaralugu aallartippaat. Ajo-
raluarmillu COVID-19 peqqutigalugu suliaq kinguaattoorpoq.

Kinguaattoornerup kingunerisaanik allannguutissatut siunnersuut Inatsisartut 2020-mi
ukiakkut ataatsimiinneranni suliaassanngorlugu saqqummiunneqarsinnaanngilaq. Inissia-
nik attartortitsisarneq pillugu Inatsisartut peqqussutaannut allannguutissatut Inatsisartut
inatsisissaattut missingiutip suliarineqarnera Naalakkersuisunit ingerlateqqinneqarpoq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga

Karl Frederik Danielsen